

痘疹世醫心法

痘疹世醫心法卷之七

落痂證治歌括 凡十一首

痂自脫痘痕明

無山無凹皮肉平

容貌不殊原未病

泰來否去一番新

收醫之後其痂亦先後以漸自脫其痕鮮明光瑩平整無赤黑無  
凸凹容顏依舊五官四肢並無傷殘此大順大吉者人生過此又  
一番新也

滿面天黥黑野漆

形容亦盡髮毛更

傍人乍見應難識

恰似重來生一般

腐後如落滿面癩痕或赤或黑五官廢缺四肢傷殘毛髮盡脫形

容大改此險中得生者又如再生一般也

落茄之後癩赤黑

愛養能教癩自滅

突起還將風熱論

凹陷却因虛裏得

瘡茄落後其面癩或赤或黑者用四白戒癩散

一百二十七

臨睡

以清蜜水調搽面上至曉以水滌去之自然白瑩脫去更宜愛養

不得早見風日經年不滅如瘡癩突起成凸者此熱毒未盡解毒

防風湯主之

一百一

外更用蠅子內水摩之如陷下成凹者此脾

胃虛不能長肌肉也人參白朮散

二十三

加黃耆主之

醫後茄皮令自脫

日久不脫脾胃弱

莫教得損又傷膚

疥覆成瘡膚似剝

收後其加自脫者佳不脫以百花膏潤之九十八令其速脫  
稍遲則乾硬深入肌肉經久方脫遂成癩痕然久而不脫者脾胃  
虛也人參白朮散二十三加黃耆官桂主之不可搔抓剝去若不  
禁手反傷皮膚復灌作疥甚難愈其後多成疥癩也  
一小兒齧後頭皮不脫問予予曰此脾肺二經不足也蓋脾主  
皮毛脾主肌肉其氣不足故難脫也乃用錢氏異攻散加黃  
耆桂服之愈

一小兒痘後一身盡齧頭皮盡脫惟頭與足不齧其家甚憂請  
予治之予曰此常候也何勞吾治蓋天地間物以陽濟陰以陰  
濟陽陰陽相濟而造成造化人之一身諸陽皆聚於頭乃陽中之

陽謂之孤陽諸陰皆會於足乃陰中之陰謂之寡陰孤陽不生  
寡陰不育所以頭瘡不收者孤陽無陰也足瘡不收者寡陰無  
陽也又當自痊但遲遲耳不須服藥亦無方也請者喜而退

茄皮不脫日時深

陷入肌膚必作癩

胸背四肢由自可

面頰豈可著癩痕

凡瘡茄日久當脫不脫者胸背手足無妨惟面上不脫必成癩胎  
未脫者以百花膏潤之九十八令其易脫脫盡之後癩痕黑黯皆  
以四白癩癩散塗之一百二十七

茄脫癩痕黑黯多

勸君未可許無疔

毒邪歸腎誰知得

只要其人表裏和

凡瘡癩頭面渾身並黑暗者未可便說無事猶恐日前未甚作膿收靨大急此倒靨歸腎也但察其表裏如壯熱之渴未除煩悶昏睡少食或大便不通或自利此真倒靨歸腎也若身溫暖爽快食漸加大小便調者此瘡癩本色無慮也

一小兒痲落後其癩白色或以問予予曰此氣虛也肺為氣之主其色白當用參耆大補之劑否則有變其人曰痘已收完何變之有至一月後大喘而死

收靨遲遲不脫痲

神昏喜睡此無他

只因氣弱神先倦

緩治求痊不必嗟

如收靨既遲瘡痲不落昏昏喜睡者此邪氣已退正氣未復脾胃

虛弱宜調元湯

十八

加麥門冬合安神丸

四十七

或只用酸棗仁

湯一百二十一

緩緩調理待氣血平復榮衛和暢而安矣

脫茄胃氣未全舒

飲食安能便有餘

若使食多林浪喜

胃中邪熱不曾除

瘡茄既落中氣暴虛多不能食必藉人參白朮散

二十三

去葛根

加陳皮木香以調養之其間或有瘡茄起而能食者是胃中宿有蘊熱故也蓋胃熱則消穀所以能食其人必大便稍秘或大便難當用三黃丸八利之否則恐胃熱不去鬱為口臭齒腐生風之證流散四肢則發為癰疽腫之毒然有一等脾胃素壯實者下素能食大便亦不至有秘結之患此又不可一藥論也凡痘瘡自成膿

後是四五日未大便者惟膽導法為最

五十一

痂起渾身一掃空

癩痕凸腫盡成膿

依然箇箇如先樣

形證輕微却不同

痘瘡收靨之後痂皮盡脫曾見癩痕凸起復作膿窠依傳詰一層  
死子者或因收靨太驟毒氣未盡或因誤服溫補之藥多啖肥甘  
之物飲酒喜食煎炒辛熱或因出風太早榮衛鬱而不通皆能復  
成此證亦與前日一般但無苦耳若此者毒邪外散決無留毒之  
患

本邑二尹雷首寮次孫出痘落痂後一月有餘面癩凸腫如梅  
李大請予視之予曰此原日所犯辛熱之毒今始發世也凡毒



自內而外者言乃用當歸稱赤芍藥防風荆芥連喬牛旁子玄參蟬蛻升麻作散漆竹葉煎湯調服而安

一小兒落痂後癩肉凸起且作痒請予予曰此風熱也用人參敗毒散加防風荆芥一服而安後有患此者用荆防敗毒散加入參服之外用水楊湯浴之皆效

一小兒落痂後癩毒不平人問予予曰痘家不可食姜葱麪粟齋癩不平也問之果然

一小兒落痂後癩腫復成瘡久不愈請予治之予曰此痘毒瘡也由犯以手搨搨不得自脫故皮肉受傷而復作瘡也以苦參凡與之而安

疥癩起處落紛紛

幾處猶然膿水浸

硬疹畜膿原毒纏

空藥停水裏肌平

瘡瘡潰爛不結痂者倒靨也或三五處腫潰潰爛不結痂者并腫  
瘡也若已正靨痂起自脫或面上或手足成片結硬瘡頭雖無中  
畜膿漿者此是原出瘡子之初其處太密糊塗成片無復顆粒所  
以毒壅於裏不能起發作膿結痂也但用滅癩散七十八和  
百花膏九十八塗之待膿盡痂起自愈或手足腕膝之間瘡粟連  
串作太一塊膿化作水停畜於中恰如囊袋皮不破水不去日久  
只如是者此裏面肌肉已好原日瘡皮刺於外也宜用針決去其  
水自乾脫矣

差後心虛氣未平

更宜調護保安寧

皮膚嫩薄風寒襲

腸胃殘傷水穀停

瘡痘新差之後氣血未復視之未醫尤加調護可也蓋茄皮起落  
肌肉新嫩不宜澡洗增減衣服則表已虛寒暑之氣易襲也瘡毒  
內作臟腑俱傷毒雖外散腸胃已弱不宜飲冷傷飢過飽則裏氣  
虛飲食之物易傷也時俗不知此理謂之已痊再無他变怠玩縱  
馳致生後災一旦病生悔之晚矣

痘後醫心法卷之八

痘後餘毒證治歌括

凡三十六首

痘瘡靨後喜無邪

人漸清寧食漸加

若比痘中還更苦

莫言無事便矜誇

或問痘後餘毒可前知乎曰痘未靨時毒氣未除正氣未舒如鱉在湯如刺在灰之狀痘已靨後毒氣已盡正氣將復如困魚入水囚鳥出籠之狀但察其身無熱口不渴大小便調腹中無痛精神漸壯飲食漸加此真安樂之時豈有餘毒哉若身熱而渴腹痛吐泄或小便赤澁大便堅秘精神昏憤四肢倦怠飲食減少坐卧不安此有餘毒伏藏必生後災以此決之可前知也

痘症輕者自無乖

逆重從來有後災

不是毒邪根裏得

或因調治悞中來

凡痘瘡輕者其本疎其毒微其證順自然易靨無餘毒也重者其本密其毒盛其證險自難出難靨有餘毒也逆者或伏或倒陷或倒靨幸脾胃素強調治又早不至大困亦作餘毒錢氏云其病有三一者疥二者癰三者目赤以證求之尚不止此亦有出已盡發已透靨已齊者復作餘毒此由溫補之過飲食之失而得之故治痘後餘毒或補或發散或解利要在分表裏論虛實不可一槩妄投湯劑也

痘瘡靨後難調理

表裏俱虛勿縱施

此與傷寒復病同

補虛為本而已矣

痘瘡之後表裏俱虛要避寒暑戒頽洗以養其表節飲食遠房室以養其裏傷寒賦云勞食再復病名內傷言其虛也又云諾食皆復飲酒則甚諸勞皆復御女必死言犯其虛者不可治也如小兒則在父母之調護大人宜自保而勿失焉治其病者惟以補虛為本所因之病以不治之

古云痘毒只三門

自我推求未足憑

五臟有邪皆有證

各隨形證審來因

痘科云痘後餘毒一者疥二者癰三者目赤夫疥者心病也癰者脾病也目赤者肝病也胎毒之發五臟各有一名如心為斑脾為

疹肺為膿泡肝為水泡腎為黑陷是也發熱之初五臟各具一證如呵欠驚悸屬心項急頓悶屬肝咳嗽噴嚏屬肺吐瀉昏睡屬脾上涼骹涼足涼屬腎是也何以餘毒只心肝脾三臟有之乎况三臟之證又不止於此乎或者舉其重而言之欲人推廣之耳○如毒歸於心則為斑疹為驚悸為痒痛為壯熱為咽乾而渴為汗為丹瘤○毒歸於肝則為悶亂為水泡為腰痛為目病為卵腫為乾嘔為手足拘攣為吐衄為寒戰咬牙○毒歸於肺則為咳為喘為衄血為瘡乾燥皴揭為有臂痛○毒歸於脾則為吐為泄為腫為脹為腹痛為唇瘡破裂為舌本強為手足病為不食○毒歸於腎為黑陷為猝失聲為手足逆冷為咽中乾痛為飢不欲食為多渴

○毒歸於腸胃為泄為利膿血為腸鳴失氣為大便不通○毒結  
膀胱為小腹滿痛為溺血為遺尿為頭腫痛為目上視已上五臟  
之證畧舉其槩臨病之工不可不審

黃州府管糧通判蕭壬峯小姐乙丑冬出痘請全調治緣小姐  
嬌惜太過非雜與煎熬厚味不食而彼處風俗有病者必服附  
子食雄雞灸關元全請戒之不聽全嘗告曰不肯慎口他日高  
毒作病必廢調理公不肯信自丙寅年後兩目出淚眼弦亦爛  
全曰此毒發於肝肝火旺也公曰目上下臉屬脾脾有熱乎全  
曰此因淚出不止浸淫爛潰也乃用瀉青丸去大黃加柴胡  
黃芩蜜蒙花煉蜜為丸服半年後而目不出淚眼弦平復矣丁



卯夏又小便如澀水點滴着肉處皆爛成瘡泡全曰此亦肝火也公曰膀胱之熱全曰肝色青乃肝移熱於膀胱也又用瀉青丸方去大黃加柴胡木通車前子煉蜜為丸服之而安公曰不聽爾言反勞爾力

痘後留邪作腫癰

或為結核論相同

但將毒氣分深淺

莫使餘邪透骨縫

此已下二條言癰毒也此由毒氣留藏經絡故於肌肉虛變或關節動搖處紅腫而成癰又或既平之後失於解利餘毒大盛外不得洩於皮膚內不得入於臟腑聚而不去遂為之癰如毒氣淺者止生結核腫毒瘡癤而已甚者至頤項腦脇手足肢節盡掀腫痛

癰疽發一二處或根淺者可治若流注起伏根深蔓引者小則潰筋脫骨必為殘廢之疾甚則綿延日久而死

本邑庠生胡近濱長女出痘不甚密亦不十分光壯飽滿與藥治之點滴不入口蓋平生不肯服藥也收靨時一片薄殼逆痘也足膝筋癰毒與藥一飲而盡近濱夫婦皆喜予曰勿喜病不可為也近濱問其故予曰脾主味開竅於口經云口和則知五味矣今愛素不肯服藥且盡是不知味而脾敗矣况膝膺之屬脾實主之脾敗則亦不能成膿及請方士蔡谷陽針之果皆清水次日卒

蘄水縣夏佐南長子痘後手足發癰請予視之見其面色黎黑

精神形體飢食且少予曰令脈之病未得光壯收醫太急今發  
癰毒乃倒陷歸腎證也必不能成膿而死

一小兒痘後發癰請予治之予用十全大補湯加連翹金銀花  
治之而愈蓋其癰已潰故用是方凡潰癰者以是治之未有不  
愈者

一小兒痘後發癰即請予治予用解毒內托散調理而安

黃岡係三家店蔡丹泉一子痘後卵腫吾男邦正醫治作厥陰  
肝經病是也丹泉不自安使人問予予曰非癰乃厥陰肝病因  
寄一方用小柴胡湯加青皮木通山查肉調理而安

看何經用引經

腫時不與潰時論

補中托裏分虛實

決毒排膿視淺深

凡治疔癰先看何經絡分氣血多少用引經藥如太陽經着活防風陽明經升麻白芷少陽經柴胡少陰經獨活太陰經防風厥陰經柴胡若初紅腫硬痛者以針刺之口吮去惡血以拔毒膏九

十七 敷貼解毒內托散 一百二十二 氣實能食大便堅者用排毒散 一百二十二 疎利之氣虛食少者用十宣散 三十七 或流氣飲

三百二十八 毒淺而小者只內服小柴胡加生地黃湯 九 一百二十

外用神功散或拔毒膏貼之 九十七 此治腫瘍之法也若已成膿

而未潰者以鍍針尖去其膿勿使內潰已潰者用十全大補湯主

之 三十八 此治潰瘍之法也○大抵疔毒發癰在手肘腕足膝脛

中者多若在手腕發者屬手太陰肺經在足脰發者屬足太陰脾  
經並用解毒托裏散主之 一百二十二附方

遍身疥癩候何寧

敗面殘形亦可矜

搗拍層傷為毒淺

薰蒸肉爛受邪深

此一條言疥毒也痘後遍身瘡癬如疥如癩膿血浸淫皮膚潰爛  
日久不愈此毒氣彌漫散於皮膚宜升麻葛根湯一防風解毒湯  
一百一 苦參丸 七十七 主之若因搗拍成瘡者只以百花膏塗之  
九十八

疔蝕頑瘡亦可嫌

時時流血不置乾

穿皮銷肉成癰疔

腐骨傷筋作天殘

此毒在脾也痘後疔蝕瘡者毒壅肌肉內透筋骨外連皮膚  
出血日久不痊亦惡候也內服十全大補湯三十八外以  
貼之 一百二十五

毒散皮膚有數般

或為癰疹或成丹

丹癰疑結從深論

癰疹分疎作淺者

此毒在心肺二經也痘後毒氣散於皮膚肌肉者病有數般或為  
癰皮上起如疣瘡瘰癧爬搔更多內服解毒防風湯一百一外以  
葶衣湯洗之 一百三十 或為疹皮上如蚊蚤所咬之迹或如小疥

子即麻子也升麻葛根湯一加防風荆芥穗主之熱甚渴者與人  
參白虎湯二十四 相合服之或為丹癰紅腫作痛手不可近流移

上下過心腎者即死宜內服小柴胡加生地黄湯 一百二十九外

用蟬針法吮去惡血自消 一百三十一 或用砭法若但紅不腫不

痛者斑也人參白虎湯 又名化斑湯 二十四 加玄參大青生地黄

主之

眼中翳膜忽遮睛

癰溢難開若霧雲

但用湯丸頻解毒

勿輕點洗反傷明

此下二條言目病毒在肝也瘡疽毒氣之為目翳也蓋自臟而外治之法但活血解毒而已活血不致於熱解毒不致於冷五臟平和則翳當自去不可輕用點藥反致損睛宜蟬蛻散 九十六四

物湯 十九 加柴胡主之

暗中強視淚盈腮

略見陽光不敢開

此是羞明差別法

莫將膚翳混同猜

痘後目閉淚出不敢見明者此羞明證也惟於黑暗處則能開  
見明則陽光燥之淚自溢出應澁難開宜洗肝明目散九十五加  
蜜蒙花目中赤者洗肝明目散九十五主之

本邑二尹雷省齋一孫出痘七日倒靨往視發出首翁問曰  
再服何藥予曰既發出毒猶太甚欲解其毒中氣素虛恐傷  
中氣又致倒靨欲補其中恐助毒火又傷其目不如節飲食適  
寒溫以待自安時萬世喬正與省翁父子厚晝夜公解不出欲  
進補中藥聞予言而止偶因傷食發熱予不在焉世喬言於衆



曰昔欲用蔡密齋阻住今病亟矣密齋不得辭其責省翁父子皆有恠心乃作參耆溫補之劑服之韓鳳岐與吾兒邦治任其所為不敢止也予聞其事又往問之人皆曰二公正恠爾不必往予曰吾無所失何恠哉徑入問之予先告曰勸勿服藥恐其傷目何太求效之速省翁曰但得生雖帶疾何妨蓋謂必不得生也予又告曰令孫必無事他日損目切記善言今果兩目俱盲省翁父子始悔不信予言而踈世喬矣

本學掌教王月山公子痘後兩目畏明予曰肝火太旺宜服瀉肝散加柴胡蟬蛻黃芩初一劑用酒製大黃公子不喜音藥未服果成內障兩目盲諸醫不效

本邑徐少柳一子痘後兩目不開請吾兒邦治醫不效乃請  
視之予曰兩胞高腫而不流淚決非痘管乃脾經溫熱也遂  
一方用蒼朮重便漫黃連酒炒防風升麻生甘草為末蜜水調  
服而愈

本邑湖田蕭天秩一子痘後目有白翳請予視之予曰此痘癍  
也治之無功果有

蘄水縣徐淑道在吾縣出痘不靨先君命全治之許謝效多蕭  
桂屏欲悔其議再請團風鎮醫李姓者至用陳氏木香散一服  
予曰誤也必損目矣果損一目

蘄水金谷山月峯一女出痘後目閉不開是予調治予曰今

愛之痘順痘也不失常期有何餘毒必蓋明證也乃試之向暗則開兩目不赤向明則閉又不流淚此肝經火邪未去也乃用羌活防風當歸稍川芎柴胡蔓荊子密蒙花生甘草淡竹葉一服而目開遍身痘癢腫凸而起再用四物湯加防風荊芥人參連喬生甘草服之平復

本邑多雲山周宅一小兒九歲痘後出外忽頭腫兩目不開語吾妾兄甘大文亦吾所傳者大文問吾求方予教曰此非痘毒乃風熱也口授一方用羌活防風升麻柴胡當歸川芎葉本蔓荊子細辛甘菊花黃芩酒炒徃治之而安

熱毒乘虛入腹中

大腸乾澀便難通

如逢熱結膀胱裏

溲不來時又病癢

此言毒在大腸膀胱也痘後毒入腹中熱氣併小腸則小便不通併於大腸則大便不通如前後部俱不通者熱勢愈甚小便不通者五苓散二十八導赤散三十五大便不通者三黃丸八四順飲二十七三乙承氣湯三十大小便俱不通者八正散四十六通關散一百一十五斟酌用之凡屬後餘毒未盡有諸熱證者並宜大連膏湯多服佳八十八

而今泄利又何如

治法難將一例拘

能食渴多知是熱

脉微食少又為虛

此下皆毒在腸胃證也痘後泄瀉其證有二如能食而渴脉盛者

此熱入大腸也。渴者內熱也。食能多者邪熱殺穀也。肝盛而熱，證諦也。宜黃芩湯。四十一加黃連如食少不渴，脈微小者，此裏氣。更不能禁固水穀也。宜四君子湯。二十加訶子肉、豆蔻，或理中湯。九加熟附子。三十四甚者以肉豆蔻九止之。四十三

泄利頻頻見膿血

此是大腸多蘊熱

莫將倒陷一般論

只宜解毒不宜瀉

痘後便膿血者，此熱毒入大腸也。宜四物湯。十九加黃芩、黃連、枳殼、荊芥穗，或黃連解毒湯加生地黃。八十九勿作倒靨及用劫瀉藥也。

本邑多雲鎮張國重一子痘靨時面瘡潰腫膿水浸淫，泄下膿

血後重不食先請醫聞廷南名醫也作噤口痢治不效請予治之予察其證乃是倒靨非痢也在痘科中則曰利下膿血痂皮者生水穀不化者死在傷寒厥陰經病論則曰熱畜於裏當便膿血勿治利盡膿血自愈予思此疾不死不可亟治乃買藥製藥故延緩以待之數日後度其膿血將盡乃用四君子湯加白芍藥枳殼黃連木香一服而後重除利畧止再服而能食三服而痘靨

胃家有熱難晉食

胃冷無緣納水漿

若是痘家多屬熱

嘔家聖藥是生姜

此言毒在胃也胃主納而不出大小腸主出而不納痘後嘔吐者

是餘毒在胃也然有冷熱二證如心煩作渴食乳甚急聚滿於胸  
中然後吐出如射其人面色帶赤手足心熱居處喜涼此熱吐也  
如乳食水漿隨吐面色青白手足冷大小便自利此冷吐也熱吐  
者橘皮湯四十九加黃連竹茹冷吐者益黃散四十五痘後餘毒

多是熱邪其間冷證十有一二也亦有傷食而嘔者但聞食臭即

吐不能食木香大安丸九十一或養脾丸一百六並用生姜湯下

有飲水多而吐者必吐清水名水逆五苓散主之二十八

一向蒸蒸熱未除 治宜詳審勿差殊

便難煩渴方為實 清便飢疲本是厯

此毒在心經也痘瘡自初以來一向發熱至於差後猶不少減者

此有虛實二證如大便難小便赤能食而煩渴者此實熱也以三

黃丸

或四順飲

二十七

先解利裏熱後用升麻葛根湯

一加地

骨皮解表熱也益升麻葛根湯治瘡疹未發之先已發之後身熱藥也如大便不秘小便不赤坐立振搖飲食不甚進者此虛熱也以調元湯十八加知母麥門冬虛甚者加炒乾姜或熟附子少許以調之

一小兒痘後發熱大小便難瘡癩帶赤他醫言虛欲用保元湯予曰不可此實熱也因食辛熱之物得之果因食雞而得以連喬飲服之愈

一小兒痘後發熱不止食少喜睡請予視之瘡癩黑黯乃知痘



毒有陷也予問此兒痘瘡膿水必清痂皮必薄否其家答曰果然不成膿不結疔但水出皮脫而乾也予告之曰凡痘初出壯熱昏睡乃常候也痘既收後則邪氣已盡正氣當復執漸退食漸加精神漸爽亦常候也今皆不然吾恐尙無用矣遂辭歸半月後忽昏冒而死

本邑染匠徐姓者一子痘後發熱諸醫或用小柴胡湯或用竹葉湯或用黃連解毒湯皆不效熱益甚請予治之予用保元湯加當歸炒黑乾姜只一服而熱去

遍身青黑色非常

口噤涎潮身久張

手足時時顫厥飛

不逢識者少安康

此毒在肝經也此中風也瘡疽方愈榮衛正弱不知避忌忽遇  
冷氣交八方不正之氣乘虛而入故為此證宜消風散一百三十

二錢入蟬蛻末一錢分為三服投生姜薄荷汁及酒各數點溫湯

浸之連二三服或作癩疹或再出層疹而愈後以抱龍丸調理十四

搗搦非時俗曰驚

只因熱毒內歸心

若由傷食增潮熱

腹滿多煩乃食蒸

此毒在心肝二經也痘後非時搗搦者有二證一則心熱晉而不  
去熱盛生風風火相搏其人必喉中有痰目直上視面赤引飲居  
處喜冷宜導赤散三十五瀉青丸一百十清心瀉肝後以抱龍丸

四十調之一則病後多食胃弱不能勝穀謂之食蒸發搗其人必

潮熱大便酸臭秘澁不調或嘔吐腹痛先以備急丸九丁香脾積

丸三十二

利之後用木香大安丸九十一

錢氏異攻散調理取愈

四十四

不如只用抱龍丸更佳 四十

手足拘攣不得伸

起君艱苦只呻吟

要知養血真良法

莫誤終身作廢人

此毒在肝脾二經也痘後手足拘攣屈伸不便者乃血耗氣虛不能榮養於筋宜十全大補湯三十八去地黃白茯苓加川續斷多服乃佳氣虛者少加川烏炮過行經不可誤作風治妄行發散反耗陰血也

本邑大尹唐尚峯次公子十二歲戊辰正月出痘時尚峯要晉

相伴往京為已多疾也乃請予四男邦治八男邦靖同韓鳳煥  
醫治疽醫後右肩發一紅腫非癰也韓以針刺之其手不能舉  
三月末肖峯自京歸至上蔡聞之甚憂予慰之曰勿憂待全到  
縣必治好也及至縣察之其手不痛但軟弱無力不能自舉必  
用左手托之乃能舉也肖峯問是何故予曰此肝熱血虛證也  
蓋肝主筋資血以養寒則要縮熱則弛長要短為抱弛長為痿  
惟補其氣養其血則病自痊乃製一方用人參黃耆當歸川芎  
白芍藥川續斷甘草節白木桔梗木香薏苡仁防風為末山藥  
作糊為丸服至半月而安

終日昏昏似醉人

口中妄語若邪侵

誰知熱入心包絡

解毒安神恭字清

此毒在心也痘後昏昧不解識人口中常妄言如邪祟狀此熱移入心包絡宜導赤散三十五吞安神丸四十七待醒後以調元湯加麥門冬生地黃十八四物湯十九加石菖蒲木通山梔仁相間服之以抱龍丸調理而安四十

卒然昏瞶不知人

飲食俱忘喚不醒

邪毒從今都解散

精神自此漸和平

此差後廝病也痘後卒然喜睡狀如眩暈身無熱口中無妄語其人痘出必重又少食今毒氣已解正氣未復故邪退而喜睡乃至極泰來之象不須妄治逡巡甦醒矣用抱龍丸調理四十

新水縣汪元士之子沙溪之孫也癸丑四月出痘至收靨後又  
然悶絕目閉口合一家大哭予曰勿哭吾固知有此病也乃命  
吾次男邦孝作調元湯加麥門冬濃煎汁幹開口少與嚙之又  
令煮粥湯與藥相間進之須臾平復如故沙溪曰神哉先生之  
術吾小孫之福也敢問何以預知有此病予曰正氣素弱邪氣  
方盛壯火食氣氣益弱矣今邪氣既退正氣將生乃否極泰來  
之兆所以戒勿擾亂待其自蘇時人不知此意猝見悶絕便將  
抱動呼喚號哭神散氣散其不救者多矣時有二醫在家一姓  
周者汪兩人乃曰向者起病日犯太乙天符尚恐有變予曰運  
氣之論岐黃之秘旨專論其年非謂起病日也傷寒鈐法以日

起病歸號求方不惟失軒岐之意而且亂長沙之法矣况主客之氣勝復之變一歲之中難以逆料豈可以是料病吉凶也信如爾言太乙天符日起病者凶然則太乙天符年有病者皆不可治也一姓向者麻城人乃曰尚有餘毒予笑曰取錢氏小兒書來痘後餘毒有三一者亦二者癰三者目赤未言有昏瞶也蓋痘瘡或出不盡或發不透或壓不齊或空殼無水或清水非膿此則有餘毒也今此痘者起發胖壯膿水飽滿有何餘毒哉一朝手足冷如水

蓋覆重加不得溫

痘正盛時為逆證

病今差後作屢論

厥逆者痘疹逆候也若在正盛之時十無一生今病已愈氣血久

厥陰胃大困宜有此厥逆也田調元湯十八加當歸身熟附子以主之

欬嗽聲多不得安

更兼涕唾盡稠痰

莫拘死局輕調理

好把推宜用散丸

此下皆毒在肺證也欬嗽者痘疹常證也有熱有虛有實不可拘泥一定之法如自初出欬嗽到今未愈者此肺中餘邪未盡也宜其桔湯七合瀉白散五十四加牛旁子馬兜冬主之如欬而熱大便難小便赤者此熱毒也宜人參瀉肺湯主之五十五大便溏者人參白虎湯二十四合其桔湯七主之如欬而大便溏小便清無大熱渴者此虛也宜人參清膈散主之六十一如欬而血出



者其桔湯七加牛旁子軟石膏茅根汁主之如何不效今始效者此風寒外感也麻黃湯主之 六十七

黃岡縣陶前墩一子戊辰年出痘將靨時咳嗽喘急吾見邦正醫用其桔湯加牛旁子麥門冬服之未效時吾在府請視之子謂正曰汝用方是此謠肺有火邪火鬱宜發之即於前方去麥門冬加麻葉地骨皮服之即效

欬嗽之時兩脇疼

陰陽左右被邪干

不能升降多壅滯

鮮毒和中病早安

經云左右者陰陽之道路左右兩脇之謂也瘡疹後欬嗽湯返由餘毒在中陰陽之氣不能升降也脇居一身之左右陰陽二氣

所行也。脇疼是氣不能升降之故。但鮮毒毒氣去則真氣行所苦自平。宜小柴胡加枳桔湯主之。一百三十三。

未出腹疼斑毒攻

而今毒鮮已無壅

不因燥屎或傷食

必是中虛要建中

此毒在脾也。瘡疹未出而腹痛者乃斑毒內攻也。今毒已鮮無後壅。腹中痛者一則因大便未通燥屎作痛。備急丸主之。九一則

因食過多胃虛不能消殺腹痛者便秘丁香脾積丸。三十三。便利

木香大安丸。九十一。主之。但燥屎痛者病在下焦。傷食痛者病在

上焦。手不可按若原食少又便常潤忽爾作痛此虛寒證也。病在

中焦。喜用手按。摩黃耆建中湯主之。三十一。

餘毒留居心胃中

膈焦咽燥渴未攻

若是脾虛津液少

自然形證不相同

此毒在心胃也痘家作渴亦是常事如痘後不宜有渴忽然渴欲引水心胃二經受邪熱故也其人必能食大便秘小便赤舌燥咽乾宜人參白虎湯二十四加黃連主之若食少大小便自調雖好飲湯咽舌不燥此脾胃虛津液不足也宜人參白朮散二十三不愈人參麥門冬散二十二加天花粉主之

病後那堪猝失音

語言不出意沉沉

咽傷苦痛痰多結

心熱留邪舌不榮

此毒在腎也痘後失音有二咽痛不能言者此毒氣結於咽喉之

問痰壅作痛而不能言天花散主之一百三心熱不能言者心中邪熱未徹腎虛不能上接於陽雖有聲而不能言四物湯十九去川芎加麥門冬白茯苓主之

正氣將回食漸加

緣何惡食却堪訝

不因食壅脾重困

或是中虛病未差

此下毒在脾經也痘後邪氣盡退正氣將復脾胃畧舒宜漸能食也若原不食今因喜食太過或原能食今又驟加以致惡食不食者此皆內傷有餘證也宜木香大安丸主之九十一如向未食今猶不喜食者此脾胃中氣不足宜人參白朮散三十三去葛根加陳皮木香研末取二兩另用糯米二兩菘豆二兩各炒研末相和

棗子湯調服稍能食更煎進養脾丸一百六  
抱龍丸四十

寒熱往來形似瘧

不拘早晚如期作

只因調護少疎遠

故惹風寒相擊搏

痘後忽發寒熱如瘧狀至後如期即發者此脾虛氣弱失於將息  
重感風寒宜先以柴葛桂枝湯八十五發去新受表邪後以調元  
湯十八加當歸陳皮白朮調之

面目腫浮忽改形

腹中脹滿喘聲頻

邪風入肺疎通去

宿垢傷脾解利行

此毒在脾肺二經也痘後面目腫浮或久則一身皆腫者此表氣  
不足出風太早風邪乘虛而入其治在肺宜五皮湯一百三十四

先加桂枝微汗之後只服本方若遍身皆腫以胃苓湯一百三十一

合五皮湯一百三十四主之○痘後發虛腫脹滿或氣喘粗者此

有宿垢在裏不問餘毒食積畜水並宜先利之宜塌氣丸一百三十五

利後以胃苓湯去甘草一百三十六加人參黃耆大腹皮調之其

治在脾如因新食作脹不腫者只木香大安丸九十一

一小兒因痘後洗浴面目一身盡腫請予治之予曰此水氣也

用四君子湯以補脾去濕加黃耆以實表防風以勝肌表之濕

麻黃以逐皮間之水一服而腫減後以錢氏異攻散加猪苓澤

瀉調理而安

熱熱渾身汗未休  
膚濡髮潤亦堪憂

衛中氣弱榮中熱

若到亡陽治不瘳

此毒在心也痘後自汗盜汗皆衛氣弱榮血熱肌肉虛也宜調元

湯十八

當歸六黃湯

六十八

相間並調敗蒲散

七十

服之如汗出

盛再用溫粉撲之

六十九

若渾身如水髮潤者或汗出如珠者皆

亡陽證不治

血在身中怕妄行

火邪迫血血離經

鼻中衄出堪調理

便溺中來禍匪輕

此毒在心肝二經也痘後失血證乃餘毒熱邪迫血妄行也自鼻

出者玄參地黃湯主之

六十五

外用梔子炒焦黑研末吹之自鼻

出者八正散主之

四十六

自大便出者桃仁承氣湯主之

一百二

此與上自汗證同為熱也。上是熱在衛，故汗出。此是熱在榮，故血出。二證大便秘者，並與四順清涼散主之。二十七

蛇動如從吐利中

必然腸胃熱邪冲

若聞食臭重後出

此證虛寒勿妄攻

此毒在肝也。嘔後或吐蛇，或利下蛇者，皆熱毒入裏也。熱在胃則吐蛇，熱在腸則利下蛇。利者黃芩湯。四十一。加桃仁艾葉吐者黃

芩半夏湯

四十二

加烏梅川椒若不吐利但聞食即吐蛇者此胃

火虛虫無所食故聞食臭即吐食已易飢宜理中湯丸。三十四。加

烏梅肉黃連川椒主之

狐疝之證聲啞嘔

唇口生瘡誠可訝



銀根潰爛疳蝕瘡

息臭血出名走馬

此毒在腎也痘後吐利蛔出者此虫爲熱所蒸而出爲蛔厥若不吐利內蝕臟腑者爲狐惑狐惑之證其人好睡默默不欲食上唇有瘡虫蝕其肛下唇有瘡虫蝕其臍其聲啞嗄上下不定故名狐惑也此候最惡麻疹後尤多化應丸主之一百三十九如大便結

者以桃仁承氣湯

一百二十

加槐子利之或只牙齒齦肉潰爛者

此痘疔脫去痰水浸漬爲疳蝕瘡用錦囊散

一百二十五

傳之若

氣臭血出者又名走馬疳瘡內以黃連解毒湯

八千九加雄黃爲

丸竹葉湯下外以馬鳴散傳之

一百三十八

或口舌生瘡者並

洗心散

一百四十七

心上諸證大便秘者並用四順飲利之七

病後宜行解利良

勿令熱毒得為殃

若逢餘毒為諸證

緩藥安能得早康

瘡疹後須當解利勿使餘毒或在表或在裏變生諸證也解利之劑如三黃丸八四順飲二十七之類若失於解利致生諸證須當用切中病源之藥以急治之不可緩治令病勢滋蔓及害人也今人不能究其病因一藥用不急之藥如四君子之類其意但欲逃差謬耳何常實能究其致病之由而藥之耶急治之中惟在識其虛實苟藥受既實榮衛充壯病後有熱者即與解利緩治不可也所稟怯弱病後榮衛大虛坐立振擻飲食少者却宜和緩之藥以扶持之候其飲食如故榮衛既充然後微微解利未為之晚或至

虛之人不必解利可也

能醫惡痘是良工

善痘何勞爾費功

錯認石頭將作虎

盜名欺世立家風

此嘆世之業醫者不能治其惡痘而治其善痘者不難於治可以盜名欺世也

痘之家氣要清

不宜恠異及腥鷄

若然乍見成凶兆

枉請師巫禱鬼神

積於者福之基妖孽者禍之萌出痘之家最宜內外肅靜大吉之兆也若有鴉鳴鼠鬧屋響火光蝙蝠入室葱蒜撲人夜生恠憂病見死入是皆不祥之兆也苟非積善之家方興之世鮮能免其禍

矣

胡松山一子五歲出痘其母黃氏偃抱坐夜後不知在地下墮  
又蕭楚梧一子四歲出痘日中時忽聞一陣蒜氣過胡三溪一  
子出痘有鴉日日聒噪胡淑卿一子出痘近晚時樓上忽一聲  
響如棹倒之狀視之却無王來棲一子出痘有蝙蝠飛入房中  
後皆不吉

痘疹世醫心法卷之九

疹毒證治歌括 凡二十六首

疹為胎毒發於心

肺與相連熱毒侵

欬嗽鼻中清涕出

且觀雙目淚盈盈

痘疹皆胎毒所發毒者火也故痘子大而掀腫者少陽三焦火也陽道常饒故大而腫疹子小而碎密者少陰心火也陰道常乏故小而密三焦水穀之道路脾胃主納水穀治痘專以脾胃為主心肺屬陽而位乎上心火旺則肺受之治疹專以肺為主觀其欬嗽者火炎則肺葉焦舉也鼻流清涕者鼻為肺之竅以火燥金而液自流也目中淚出者肺熱則移於肝肝之竅在目也或手相眉目

唇鼻及面者肺熱證也

凡遇冬溫最不祥

民多疫癘發瘡瘍

或逢斑疹相傳候

可用湯丸預解良

春溫夏著秋清冬寒此四時之王氣也冬應寒而反溫陽氣暴洩  
火令早行人感之者至於來春必發瘡疥未出痘疹者必感而  
雖曰胎毒未有不由天行者故一時傳染大小相似但見疹痘之  
出宜先服消毒保嬰丹十一代天宣化丸十二以預解之可使  
徹不為已甚也

瘰癧須明歲氣先

勿輕汗下作傷寒

察人虛實施方法

莫犯天和損壽元

瘧疹之證其初發熱與傷寒相似但瘧子則面頰赤欬嗽噴嚏  
流清涕目中淚出呵欠喜睡或吐瀉或手搯眉目鼻面宜用升麻  
為根湯一不可作傷寒妄用汗下也汗之則增其熱為衄為欬血  
為口瘡咽痛為目赤痛為煩燥為大小便不通下之則虛其裏為  
滑泄為滯下經曰必先歲氣毋伐天和言不可妄汗下也如手足  
稍微冷惡寒而無汗面色青慘而不舒左額有青紋者傷寒之熱  
也手足稍微溫發熱有汗面赤而光者傷風之熱也並宜惺惺散  
一百一 發散之目胞腫而右頰有青筋發熱而頭額腹肚最甚或  
十四 兼嘔吐腹疼者傷食之熱也備急丸下之九 面色青紅額正中有  
紋手掌心有汗時作驚惕手絡脉微動而發熱者此驚熱也瀉

无一百十 牛黃清心丸

三十六

主之身熱而倍能食唇紅頰赤

小便秘脇下汗者此風熱也宜風散之

九十二

已上諸熱久而不

去內外感發則所蘊瘡疹之毒亦能乘間而出矣

疹喜清涼痘喜溫

能知疹痘不同倫

疹苗痘實無人解

謹始慮終用意斟

疹喜清涼痘喜溫煖此法人皆知之然疹子初出亦須和煖則易出所以發苗之初只要發出得盡則毒便解若痘必苗而秀秀而實而後毒解也痘子成實之時若大溫熱則反潰爛不收是痘之後亦喜清涼也故治痘疹者無過熱無過寒溫涼適宜陰陽自和是為得之



疹毒從來鮮在初

出形毒鮮却無憂

腹中脹痛邪猶伏

喘促昏沉命必殞

疹子只怕不能得出若出盡則更毒解故治疹子者發熱之時當察時令寒暄以藥發之如特大寒以桂枝湯發之五太熱以升麻葛根湯一合人參白虎湯發之二十四不寒不熱以荆防敗毒散發之七十一如蕪疫癘之氣以人參敗毒散發之一如盡一劑不出再作本湯發之外用胡荽酒七十四以苧麻醮酒遍身塗之務令亟出如三四作更不出加腹中脹痛氣上喘促昏悶譫妄者必死證也

本邑胡道松遺腹子也年四歲六月間病疹先請醫甘大文治

三日疹不出煩躁甚乃請予文又作荆防敗毒散予止之曰  
此皆發散之藥無解毒之用况天大熱又無時令之藥一二味  
在內則陽愈勝陰愈虧陰陽不和此疹子所以不出也吾命大  
文作東垣涼膈散加玄參升麻一服疹出三日安

過期不出勢淹延

毒伏身中出見難

急用透肌休息玩

豈堪臟腑受熬煎

發熱六七日已後明是疹子却不見出此皮膚堅厚腠理閉密又  
或為風寒襲之曾有吐利乃伏也急用托裏發表之劑麻黃湯六

十七

去杏仁加蟬蛻升麻外用胡荽酒

七十四

散麻刮之如一向

未更衣者毒甚在裏伏而不出河間涼膈散加牛旁子主之

一百一十

七  
發之解之再不出者死證也

吾妾兄甘大文嘗從吾學醫其術頗行而未能精長男發熱予  
見之曰疹也三日不出身涼神倦坐卧不安予謂大文曰汝子  
疹毒不出外雖涼而內則熱毒火內伏故令煩而坐卧不安也  
若不急治此子難保文乃泣而求醫予曰何不自治必要我  
乃用葛根湯加麻黃石膏以發之一服疹子盡出白色不紅予  
曰此血虛也用四物湯加防風只一劑而盡變紅也予笑曰尔  
若愛人之子亦如愛己之子恐其誤也必用吾醫治己之子亦  
如治人之子恐其遲也而自為之斯善矣

蒸蒸發熱欬聲頻

目脹面浮氣上行

坐卧不安痰唾少

肺焦葉本熱邪蒸

疹子初發熱時未見出現欬嗽百十聲不已上氣喘氣面浮目胞  
腫時卧時起此毒火內蒸肺葉焦舉宜甘桔湯七合人參白虎湯  
二十回  
去人參加牛旁子薄荷葉主之

火熱暈蒸汗潤身

毒邪併迫血遠經

汗多衛表邪從散

血去榮中毒少輕

疹子發熱或自汗出或鼻衄者不須止之亦發散之義故汗者毒  
從汗散衄者毒從衄解但不可太過如汗太多人參白虎湯四  
合黃連解毒湯八十九主之衄太多玄參地黃湯主之六十四

發熱之時吐利并

任他所出不須驚

胞胎畜毒從今解

腸胃停汚自此清

疹子發熱吐利純是執謬不可作寒論乃火邪內迫上焦多吐下  
焦多利中焦吐利並多自利宜黃芩湯四十吐利宜黃芩加半夏  
湯四十二自利裏急後重者宜黃連解毒湯八十九合天水散九

十四主之

毒火薰蒸氣上炎

咽喉自此正煩疼

從來痘疹多咽痛

莫作尋常喉痺看

痘疹咽痛亦是常候乃毒火上薰而痛也勿作喉痺同論妄用針  
刺喉痺內作癰腫故宜針決去惡血痘疹只是咽乾作痛宜甘桔  
湯七加牛旁子或射干鼠粘子湯六十細細嚥之

疹毒如焚引水饒

炎邪未許一杯澆

咽喉乾燥心家熱

津液枯虛胃腕焦

疹子渴喜飲水純是火邪肺焦胃乾心火內亢故也初發熱渴者  
升麻芍根湯一加天花粉麥門冬渴甚者人參白虎湯二十四合

黃連解毒湯八十九主之

一齊湧出莫驚惶

頃刻渾身朱錦裝

似痘出時隨又沒

如斑紅處却成瘡

痘瘡貴三四次出謂出勻瘰瘡貴一齊湧出謂出盡麻子只要得  
出便輕減以火照之遍身如塗朱之狀此將出之兆出形細密與  
痘瘡密者相似但疹子粒粒成瘡非若斑之皮紅成片如蚊蚤之

迹也

痘瘡赤艷痒來攻

疹子紅鮮毒得鬆

白疹血虛猶可療

黑斑候惡莫相逢

疹痘之色不可同倫大抵痘子怕大紅皮嫩易破必生癢痒疹子喜通紅疹發於心紅者火之正色也若疹色淡白者心血不足養血化斑湯主之一百四十色大紅濛或微紫者血熱也或出太甚者並宜大青湯主之一百四十一黑者死證也

疹家出沒合陰陽

出以溫和沒以涼

連出不收陽氣盛

遲遲間出是陰強

疹子出沒常以六時為準假如子後出午時即收午後出者子時

即收乃陽生陰成陰生陽成造化自然之數也凡此旋出旋收者  
輕若一出連綿三四日不收者乃陽毒太甚宜大青湯一百四十  
解之遂巡不出者乃風寒外束皮膚閉密也宜荊防敗毒散主之

七十一

疹出渾身似火燒

毒邪壅甚急難消

解肌只許皮膚煖

救裏宜令便溺調

疹疹非熱不出疹子欲出則遍身發熱或煩躁或頭眩或身拘急  
及既出則身便涼諸病悉解此一層疹子隨收矣如疹子既出熱  
甚不減此毒壅過宜大青湯解其表一百四十一便澁者以黃連

解毒湯八十九合白虎湯二十四或大連翹湯八十八解其裏大



便不通者河間涼膈散加牛黃

一百四十七

疹出盡得安寧

邪未盡時氣未平

拂拂熱煩邪尚熾

煩煩嘔洩毒猶蒸

凡疹子只要出得盡則毒邪解散正氣和平如拂拂發熱煩悶不寧如地在灰如蚓在塵之狀或嘔吐或注洩此毒邪壅遏尚未出盡煩熱者黃連解毒湯八十九嘔洩者柴胡梔皮湯一百四十二並外用胡荽酒七十四以羊麻蘸酒遍身戛之待疹子出盡則煩熱自去嘔洩自止矣

疹毒餘邪最作殃

幾經惡候致張皇

時行厲氣傳相似

瘦鬼勾魂赴北邙

於子欲出未出之時宜早發散以解其毒則無餘災若不預解使之盡出以致毒畜於中或為壯熱日久枯痺或成驚癇或為泄痢或欬血喘促或作痺腫而死此雖一時戾氣之染未有不由於人事之未盡者

瘡後流連執不除

蒸蒸烙手髮毛枯

肉消骨立成痺瘦

得遇良工病可甦

疹子收後身有微熱者此虛熱也不須施治待氣血和暢自然退去若熱太甚或日久不減以柴胡麥門冬散五十七甚則以黃連

解毒湯八十九合人參白虎湯二十四與前方相間服之如髮枯

毛豎肉消骨立漸漸羸瘦者柴胡四物湯一百四十三主之

發熱無休神漸昏

忽然墮飛事堪驚

莫將風癘同調治

小便宜多慮早寧

疹後熱不除忽作搐者不可與急驚風同論用導赤散三十五加

人參麥門冬送服安神丸四十七小便清者可治短少者不可治

宜服抱龍丸四十

疹毒流殃走馬瘡

牙齦潰爛食難嘗

唇齖聲啞成孤感

漏頰穿喉旦夕亡

凡疹後牙根黑爛肉腐血出臭息冲人者曰走馬疳馬鳴散主之

一百三十八若面頰浮腫環口青黑頰漏齒脫唇崩鼻壞者死證也如

唇口多瘡其聲啞啞者曰孤感以化蟻丸主之一百四十更煩躁

昏悶失聲者死證也

疹毒漸成休息痢

晝夜不停多窘急

勿輕劫澁圖霸功

切忌禁口成惡疾

疹後洩利日久不已者曰休息痢不可妄施澁劑以成霸功宜黃

李湯

四十一合天水散

九十四

與香櫛丸

五十

相間治之若嘔吐

不能食者名噤口更腸滑不止或下鮮血或如塵水者皆死證也

隆慶己巳予在鄖陽有楊舉人一子病疹後利下鮮血請予求

方予口授一方用當歸稍生地黃白芍藥條苓炒黃連炒人參

生甘草枳殼烏梅肉調理而安時府中出疹但病利血者湯

人授以其方與之皆効

疹後連絲上氣欬

發作百聲終不歇

胸高有息目露浮

擺手搖頭泉下客

疹子收後微欬者此肺氣未平也不須調治若欬轉甚喘氣逆氣  
發則連綿不已者此肺中伏火金匱葉焦故欬也宜人參清肺散  
主之六十一身熱者門冬清肺湯主之一百四十若欬久不止面  
浮目胞腫胸高而喘息則聳肩血自口鼻出面色青或赤鼻燥昏  
悶搖頭擺手者皆死證也

隆慶戊辰予在黃州府有周小川族中一小兒病疹後咳嗽失  
聲託小川請予求方予授一方以甘桔湯加炒牛蒡子炒枯芩  
天花粉作散薄荷葉湯調再煎一沸果安

疹家禁忌法須防

鹽醋雞魚不可嘗

款莫從心終是福

物多爽口定為殃

疹家通禁雞魚炙燻薑醋之類直過七七之後方可食之惟宜食淡不可緩口致生他疾也

瘡疹收還幸平復

飲食如常無馳就

心腹絞痛忽傾亡

還是氣虛中惡毒

曾見痘疹收後動止出入飲食如常忽然心腹絞痛而死者還是元氣怯弱乘以疫厲之氣正不能勝邪伏於中外若無病內已虧損故一中而死謂之中惡

嬰稚初離胎中

遍身斑駁似此

胎中熱毒皮由現

莫作時行斑疹同

凡小兒初生未滿月者遍身紅點俗呼奶麻者是也此由胎中受熱故生下發見於皮膚不可作時行疹子論妄用湯劑益臟腑嬌脆氣血怯弱不能勝湯尤也宜用遡源解毒湯一百與乳母服之

發熱蒸蒸便已鞭

皮紅似錦是名斑

莫將疹毒雷同論

笑煞時人醜類看

凡天行若病大便鞭結熱留胃中故發斑不可以疹子同治妄用發表之劑又增危劇宜白虎湯二十四去人參加大青玄參生地黃主之大便秘者以三黃丸八微利之

痘疹世醫心法卷之十

婦人瘡疹證治歌括 凡一十二首

女人瘡疹最難醫

陰質從來血已虧

待得疹瘡將發日

只愁天癸又當期

正理論云嬰兒女子蓋以滋甚以女人陰質血常不足也痘疹始  
終以氣血為主一或不足則變生焉故女子十四已後有出瘡疹  
者常恐天癸之行血走氣虛而成陷伏也

發熱經行非正時

火邪迫血血奔馳

急須涼血傳為美

莫待中虛悔却遲

痘疹發熱經水忽行却非天癸之期此毒火內蘊擾亂血海迫經



妄行月事不以時下以玄參地黃湯 六十五 或四物湯 十九 合黃

連解毒湯 八十九 以涼血為主必欲其止如久不止中氣虛弱致

生陷伏者有之

發熱期逢經水行

毒邪得解免煩蒸

過期不止須當慮

補氣溫經令出勻

發熱之時經水適來如期此積毒得去毒亦輕解不須治之若過  
四五日猶不止者此熱邪乘血室之虛迫血妄行宜先服小柴胡  
加生地黃湯 一百二十九 以清血室之熱後用十全大補湯 三十  
以補氣血之虛令其出勻易發易壓也

發熱適逢經水斷

血室空虛防他變

若然譫妄神不清

熱入血宮治勿緩

發熱之時經水適斷宜早服柴胡四物湯一百四十三加桂枝以

防血室空虛毒邪乘虛而入致生他疾也若已增寒壯熱神識不

清妄誕見聞言語錯亂此為熱入血室血室者衝脈是也肝主之

肝藏血肝為血海天癸之後血室既空熱乘而入宜四物湯十九

合導赤散三十五加麥門冬與安神丸四十七相間服之

女子居經日已賒

豈堪瘡疹病來加

却愁血海停渣垢

更怕胞門伏毒邪

女子經閉謂之居經滿而不瀉病在心脾經云二陽之病發心脾

女子不月瘡疹之毒屬於心又以脾為主心脾先病血室不行衝

任之間已多積垢一旦瘡疹之火鬱於命門胞戶之中當出不出  
毒邪留伏致生乖戾者有之故發熱之初即當滌除停垢桃仁承  
氣湯主之一百二十後以四物湯十九合勻氣散十三加紅花赤  
通治之

崩漏無時血已枯

瀉而不滿臟中虛

豈堪當此天行病

濟弱扶危救幻軀

女子一向崩漏未止氣血已虛若當天行瘡疹必不能任其毒惟  
宜大補氣血為主十全大補湯三十八瘡出灰白平陷難發難癒  
者更加熟附子一二片

起發泡漿忽動經

血虛氣弱事堪驚

上無他慮

不爾須防陷伏臨

痘子出現以後最宜表裏俱實飲食能多若當起發泡漿之時天  
癸忽動人但知恐被穢氣觸動正氣不知自身之血不足為厭但  
血去而氣亦虛毒邪乘虛陷入於裏惟元氣素壯又能食者必無  
是變如氣虛食少之人未有不成陷伏者宜十全大補湯主之  
十八 虛甚加熟附子

經行暴暗猝無音

血去津枯舌不榮

養血通心言語出

一朝聲價重千金

女子種痘經水忽行暴暗不能言語者心主血舌乃心之苗血去  
則心虛心虛則少陰之脉不能上榮於舌故猝失音不語也先以

當歸養心湯

一百四十五

養心血利心竅符其能言以十全大補

湯調之

三十八

月事如行交壞瘡

內虛陷伏已乖常

藥靈中病終須苦

證逆違師條忽亡

月事大行其瘡不起發不光壯不飽滿不紅活頂平陷色灰白或青乾黑陷者此裏虛之候瘡復陷入也宜十全大補湯三十八奪命丹十七相間服之其瘡胖脹紅綻或瘡空中再出一番者大吉之兆若加腹脹喘促譫妄悶亂寒顛咬牙手足厥逆者必死也

妊娠瘡疹治應難

惟有安胎法最妙

不可令胎輕觸動

胎元觸動命將殘

孕婦出痘始終以安胎為主不可犯動其胎其初發熱以參蘇飲  
三發之瘡出現後多服安胎飲為佳 一百四十六 渴者人參白朮

散

二十三

泄者黃芩湯

四十一

合四君子湯

二十

加訶子色灰白

起發收較遲者十全大補湯

三十八

去桂

本邑庠生程文遠丙戌年與吾同案補廩早卒止有一女與汪  
大川翁大中作親年二十出痘且有娠五月矣請予治之診其  
脉男胎也惟以清熱解毒和中安胎為主乃用黃芩白朮為君  
人參生甘草當歸身生地黃白芍藥紫蘇葉佐之一日一服自  
初出以致成漿無他苦也予聞家中被盜而歸適有蘄水俗醫  
郭姓者至程咸器而使之進藥一服而胎墮果男胎也亟請予

到痘變灰白平塌成倒陷裏虛故也。詢其所用之方，乃獨聖散。予曰：噫！穿山甲麝香皆墮胎藥，胎去氣血益虛，瘡毒內陷不可救也。遂辭歸，三日後卒。

瘡正甚時臨正產

幾人束手功莫展

滌除惡露相時行

補益元神休忌憚

孕婦出痘正當甚時忽臨正產，尊者只以大補氣血為主，十全大補湯。三十八若腹中微痛，此惡露未盡也，宜去之。四物湯。十九用熟地黃去為藥，加乾姜、桂心、木香、黑豆。

產後如逢出疹瘡

此時胎去免憂惶

只憑補益收功效

莫犯寒涼生氣傷

婦人產後出痘疹者只以大補氣血為主十全大補湯  
三十八  
芍藥用桂酒炒用不可妄用寒涼恐損發生之氣